

РЕСПУБЛИКАЛЫҚ "УКРАЇНСКІ НОВИНИ" ГАЗЕТІН ШЫҒАРУ ТУРАЛЫ

Қазақстан Республикасы Министрлер Кабинетінің қаулысы 19 қаңтар 1994 ж. N 83

Украин тілі мен мәдениетін өркендету мен түлету процесін қолдау, украин диаспорасының рухани талап-тілектерін қанағаттандыру мақсатында Қазақстан Республикасының Министрлер Кабинеті қаулы етеді:

1. Қазақстан Республикасының Министрлер Кабинеті "Українскі новини" газетінің құрылтайшысы міндетін алсын.

2. Қазақстан Республикасының Баспасөз және бұқаралық ақпарат министрлігі белгіленген тәртіп бойынша "Українскі новини" газетін тіркеп, редакцияның құрылымы мен штатын, газет шығаруға, қажетті қағаз қоры мен полиграфиялық қуаттарды белгілесін.

3. Қазақстан Республикасының Экономика министрлігі, Қаржы министрлігі, Байланыс министрлігі, Республикалық "Қазконтракт" контракт корпорациясына "Українскі новини" газетін қаржыландыру, ұйымдық техника, автотранспорт бөлу, материалдық-техникалық қамсыздандыру, байланыс құралдарын орнату міндеттелсін.

4. Қазақстан Республикасының Мемлекеттік мүлік жөніндегі

мемлекеттік комитетіне "Українскі новини" газетінің редакциясына қажетті мекен-жай бөлу жүктелсін.

5. Гаркавец Александр Николаевич "Українскі новини" газетінің бас редакторы болып тағайындалсын.

Қазақстан Республикасының
Премьер-министрі